

Daxboh Gag Naemjngeix Lo

Ngoenzneix dwg ngoenz singhgiz, rog ranz fwn moenqfefe, daxboh boux ndeu naengh gwnz sahfaiz yawj bauqceij.

Daeglgw raen youq ranz mbwq lai, liux le buet daengz henz ndang daxboh, siujsim riri cam: “Daxboh, gou ndaej caemz vanzgi ciq yaep ndeu lwi?” Seizneix daxboh naj haenyauiyau, da-caengz de, lienz bwnda cungj daengj hwnjdaej, baet fwngz sing mbwk hemq: “Mbouj ndaej!” Song aen swz genjdanh neix, sing hung miz rengz. Daeglgw bonjlaiz couh mbeisuij haenx seizneix engq dwglau lo. Daeglgw raen utheiq lai, raemxda rihbyoegbyoeg roengzdaej.

Daxboh raen daeglgw daej, maenjaeng-haeng, ndang youh ngeng coh mbiengj daeglgw, song da cim daeglgw cadcad, yakriri naez: “Coh

suenq mwngz daej, gou hix mbouj hawj vanzgi hawj mwngz.” Dingqnyi vah daxboh, daeglgw daej engq siengsim lo.

Aiq dwg sing daej nyaucauz le daxboh yawj bauqceij, daxboh doeksat dawz ciq ndenq hawj daeglgw. Daeglgw yienz naez gwnz naj lij miz raemxda, hoeng ndaej dawz vanzgi le de angq dangqmaz.

Seizneix, daxboh hwnq ndang byaij daengz baihnaj aengingq, yawjyawj gij yienghceij yakriri swheij, gag dawz diuz bienduk fad swheij, gij yiemzhaeng gag ndaq naez: “Gou deng ndeindei naemjngeix gij coenzvah caeuq guhfap swheij baez ndeu, aeu guh boux boh hozunq gyaec lwg ndeu!”

(Lingz Hinghningz hoiz)



Duzgvej Mbei Iq

Sou raen gvej gvaq ma? Raen gvaq. Dwg mbouj dwg de cungj maij heuh gva gva gva, cauz yaek dai? Dwg ba? Hai! Couhdwg aenvih yienghneix, doenghbaez de deng duz gungqsou loengh gvaq baez ndeu, gwn gvaq baez vi hung ndeu.

Vihmaz duz gungqsou aeu loengh duzgvej ne? Couhdwg aenvih duz gungqsou bonjfaenh maij heuh go go go, de nyinhnaez duzgvej baez heuh, couh hawj gij sing de heuh haenx lumj iq di ndeu, hawj daihgya mbouj dawz de haeujsim. Duz gungqsou nyinhnaez gij sing de heuh dwg sing go ndeidingq lai, ndigah de mbouj maij miz gij sing wng daej gauxca de, ndigah de mbouj maij duzgvej heuh gva gva gva. Duzgvej baez heuh, duz gungqsou couh ndaq: Nanz dingq nanz henx, cauz hawj vunz yaek dai!

Doeklaeng, duz gungqsou couh siengj ok aen banhfap ndeu daej haep duzgvej, hawj de mbouj gamj heuh. Gou ndaejgeiq dwg yienghneix.

Miz baez ndeu, duzgvej naengh youq gwnz ndaek rinsa nding henz dah heuh gva gva gva, duz gungqsou couh byaij gvaqdaej doiq de naez: Gaej heuh lo! Gou dingqnyi miz vunz daej lo.

Aen mbei duzgvej iq lai, de youh caengz raen vunz gvaq, mbouj rox vunz daej le yaek doiq de guh gijmaz, doq mbouj gamj heuh lo. De yaeng'yaeng cam duz gungqsou naez: Vunz dwg gijmaz? Gou dan dingqgangj duz neix maj ndaej youh sang youh hung, gvai dangqmaz. De daej le yaek doiq rauez guh gijmaz ne?

Duz gungqsou raen de lau, couh daegdaengq haep de naez: Aensingq vunz vaih lai, yak dangqmaz! Gyoengqde baez yawjraen raeuz, hw! Haenx couh mbouj baenz lo! Dingq! De gaeng daej lo, raeuz bae ndoj vaiq di.

Gizsaed mwhhaenx gaenbonj mbouj miz maz vunz daej, hix mbouj miz sing maz. Duzgvej mbei iq baez dingq duz gungqsou hemq, doq diuq roengz goenjrin, ndoj hauej laj rin bae lo. Duz gungqsou lij ndwn youq gwnz rin mbouj sangj, de raen mizyinx dangqmaz, miz di naemjriu.

Gvaq ndaej yaep ndeu, duz gungqsou naez: Ndae lo, vunz deuz lo, baezlaeng mwngz gaej hemq lo, mwngz baez hemq vunz couh yaek daej.

Duzgvej lij mbouj gamj okdaej, dan yaeng-yaeng cam: Vunz deuz la? Mwngz gangj, vunz baez yawjraen raeuz, de yaek baenzlawz guh? Duz gungqsou naez: De couh yaek gaemh raeuz bae.

Gvaqlaeng ne?

Gvaqlaeng de couh cug raeuz hauej, hawj raeuz gyauej hoij dauq laj.

Duzgvej lau dwk hemq ok sing ndeu: Aiya!

Duz gungqsou raen de lau, couh engqgya haep de naez: Hoij hwnj caengz suenq maz, de lij aeu diuz faex youh hung youh co ndeu moeb mwngz, mbat haj mbat cib, haengrengz moeb, moeb hawj mwngz daengx ndang cungj gawh liux, de lij caengz daengx, mwngz couhdwg daej dwk saihoz gat de hix mbouj daengx.

Duzgvej lau lai lo, engq mbouj gamj daj laj rin diuq okdaej, naez: Miz cungj saeh baenzneix dwglau ha? Baenzlawz guh cij ndaej?

Baenzlawz guh? Mwngz gaej hemq gva gva gva, ra dieg ndei ndeu ndoj youq couh ndaej lo.

Duz gungqsou gangj daengz gizneix, daekeiq dangqmaz, couh hemq ok geij sing gva gva gva.

Duzgvej raen de mbouj lau, couh cam: Vihmaz

mwngz mbouj lau vunz ne?

Duz gungqsou ndaenggon naez: Gou gijmaz cungj mbouj lau, aenvih bouxlawz hix mbouj gamj daej gaemh gou. Yiengh gou maj ndaej yak dangqmaz, vunz rox gou ak; caemhcaiq gwnz ndang gou miz cungj heiqhaeu daegbied ndeu, gyoengqde nyouq daengz couh yaek buet.

Duzgvej gyangz gaemz heiq ndeu naez: Hojsik gou mbouj maj baenz gij yiengh lumj mwngz, gwnz ndang hix mbouj haue.

Sou raen duz gungqsou gvaq ma? Gwnz laeng de dwg mbouj dwg hwnj nwnj rim liux, caemhcaiq dwg saekhenj? Gwnz ndang de dwg mbouj dwg miz cungj heiqhaeu daegbied ndeu? Gij saek heuheu duzgvej haenx dwg mbouj dwg ndeiyawj gvaq de haujlai? Geij coenz vah de neix dauq dwg vah caen.

Duz gungqsou haep hawj duzgvej mbouj gamj hemq lo, de couh gag byaij bae ranz hemq go go go lo. Neix raeuz couh mbouj guenj lo, gvaqlaeng raeuz cienmonz gangj aen goj duzgvej mbei iq.

Dangyienz lo, duzgvej lau lai, doenghbaez de caengz dingq gangj gvaq vunz dwg baenzneix yak, hix mbouj rox gijmaz saeh dwglau. Seizneix, duz gungqsou gangj gvaq le, de couh cungj dwg siengj daengz gij vunz dwglau, doeklaeng de lij siengj daengz haujlai saehcingz dwglau wng dem, lai dwk gou cungj loengh mbouj cingcuj haenx dauqdaej dwg di gijmaz saehcingz, gou dan rox de dwglau dwk lienz nyungz cungj mbouj gamj gwn lo.

Duzgvej siengj hwnj gij vah duz gungqsou le, couh siengj ra giz dieg ndei ndeu ndoj youq.

De roxnyinh ndoj youq ndaw raemx ceiq ndei. Hoeng de miz bwt, aeu diemheiq, mbouj ndaej lumj bya nei cungj dwg youq ndaw raemx, ndigah de mbouj ndaej seizbienh diuq roengz raemx bae.

(Yenz Vwnzcingj raiz Cwz Fanghdingz hoiz)

Seizcou

Bungz Yungzveih

Seizcou daengz, mbwn liengzliengz,
Gofaex mbawmbaw henjyanggyang,
Roegnyanh guhdoih baiz baenz hangz,
Angqangq yangzyangz mbin namzfueng,
Namzfueng doenghnaz haex rangrang,
Gizgiz fungsou ndei yienghsiengq.